

## განმარტებითი ბარათი

საქართველოსა და აზიის განვითარების ბანკს (ADB) შორის გასაფორმებელი „შიდა რესურსების მობილიზაციის გაუმჯობესება ინკლუზიური ზრდის პროგრამისათვის - ქვე-პროგრამა 2“-ის სასესხო ხელშეკრულების (ჩვეულებრივი ოპერაციები) პროექტზე

2014 წელს აზიის განვითარების ბანკთან (ADB) გამართული კონსულტაციების შედეგად საქართველოსათვის „შიდა რესურსების მობილიზაციის გაუმჯობესება ინკლუზიური ზრდის პროგრამისათვის“ ADB-ის მიერ განსაზღვრულ იქნა დაახლოებით 200 მლნ აშშ დოლარის ოდენობის შეღავათიანი სესხის გამოყოფა. აღნიშნული პროგრამა წარმოადგენს სამ წლიან პროგრამას და მის ფარგლებში 2014 წელს ADB-სა და საქართველოს შორის გაფორმებული ხელშეკრულებების შესაბამისად, პირველი ქვე-პროგრამის ფარგლებში ჩამოირიცხა (16.12.2014) 73.5 მლნ აშშ დოლარი, რომელიც მიიმართა სახელმწიფო ბიუჯეტში.

მიმდინარე წელს აღნიშნული პროგრამის მეორე ქვე-პროგრამის ფარგლებში აზიის განვითარების ბანკი საქართველოს გამოუყოფს ჯამში 75 მლნ აშშ დოლარის ეკვივალენტს ევროსა და SDR-ში, აქედან დაახლოებით 19.9 მლნ ევრო (22 მლნ აშშ დოლარის ეკვივალენტი) OCR (Ordinary Capital Resources) პირობებით. პროგრამის ძირითადი მიზანია სახელმწიფო და კერძო ინვესტიციების გაზრდის მიზნით შიდა რესურსების ეფექტური მობილიზება და პროგრამის ფარგლებში მიღებული თანხა სრულად მიმართება სახელმწიფო ბიუჯეტში. ADB-ის რეგულაციების შესაბამისად OCR-ის ფარგლებში გამოყოფილი სესხის ფინანსური პირობებია:

სესხის ოდენობა: დაახლოებით 19.9 მლნ EUR

სესხის ვალუტა: EUR

სესხის ხანგრძლივობა - 15 წელი

შეღავათიანი პერიოდი - 3 წელი

ვალდებულების გადასახდელი - წლიური 0.15% (აუთვისებელ თანხაზე)

საპროცენტო განაკვეთი - EURIBOR + 0.50% (2015 წლის 4 სექტემბრის მდგომარეობით 6 თვიანი EURIBOR-ის განაკვეთი შეადგენს 0.038%-ს)

ვალუტის არჩევანი განაპირობა შემდეგმა ფაქტორებმა:

- სახელმწიფო ვალის პორტფელის დივერსიფიკაცია, სავალუტო რისკების შემცირების მიზნით
- აღნიშნული ჩამორიცხვის ვალუტების თანაფარდობა თანხვედრაშია ეროვნული ბანკის მიერ რეკომენდირებულ კომპოზიციასთან

საქართველოს მთავრობის 2015 წლის 23 სექტემბრის #2026 განკარგულების და საქართველოს პრემიერ-მინისტრის #395 ბრძანების შესაბამისად, 2015 წლის 6 ოქტომბერს ხელი მოეწერა „საქართველოსა და აზიის განვითარების ბანკს შორის (ჩვეულებრივი ოპერაციები) (შიდა რესურსების მობილიზაციის გაუმჯობესება ინკლუზიური ზრდის პროგრამისათვის - ქვე-პროგრამა 2)“ სასესხო ხელშეკრულებას.